

157.

V I R O

Nobilissimo, Amplissimo atque Consultissimo,
D O M I N O

DAVIDI FADEMRECHTIO,

Praeconsuli Mariaeburgensi meritissimo,
itemque Præsidi Gravissimo,
Fili unici,

IOANNIS IACOBI,

Artium liberalium in Gymnasio Thorunensi Studiosi
solertissimi,

pramaturum obitum,

qui d. XXVII Augusti A. c^occXII.
accidebat,

acerbe lugenti,

tum consolandi officium praestare

tum & Auditori suo carissimo,

monumentum ponere,

L. M. Q.
volebat

Petrus Iaenichius, Gymn. R. & P.P.



T H O R V N I I,

Impressit JOHANNES NICOLAI, NOBIL. SENAT, ET GYMN,
Typographus.



Deone infestum esse consiliis nostris aeternum Numen ac quodammodo reluctari proposito videtur, ut, dum pro incrementis Gymnasi omnes evigilamus curas, fatali casu sedulos agendi contus perturbet, ac dura mortalitatis lege iniecta, seriem rerum perrumpat quasi
et infringat? Ea quidem omnium, quae in orbe nascuntur, conditio est, ut nihil firmum ac stabile reperiatur: Nihilominus tamen crebriores velocesque eorundem commutaciones suspensos mortalium animos tenent omnino et attentos. Utique enim ordo brevi tempore diminutus, docentium pariter ac percipientium hic artes liberaliores. Huic autem illata clades tanto gravius affigit omnes, quanto insperior accedit: nec attriti diuturnitate morborum et aetate, sed corpore validi animoque vigentes decedant. Periclitatur hoc pacto salus Patriae, qua dulcius in vita desperiri nihil potest, et iure deplorantur illi, cum consolari posteritatem deberent, remque publicam aliquando ratione et consilio adiuvare. Nemo inter nos versatur, qui ferat graviter eiusmodi casus et doleat nobiscum, quando, quos praeparari ita vitae futurae videt, praeter mortalitatis ordinem et vota sublatos repentina morte animadvertisit. Secus fieret in hoc artium domicilio si mortis ratio posita esset in nostro arbitrio, eiusque legem perinde ac naevos aliquando et errandivitia in Iuventute abolemus. At vero idem nobis usu venit, quod interdum in aestu maris navigantibus, qui, impedita remigandi contra tempestatem facultate, vela navi animoque vires remittunt, et necessitati cedunt. Evidem, quos ablegant parentes filios, diligenti complectimur cura, ut nobis ducibus in sapientiae studio progrediantur feliciter, sed fingere

non

non possumus ex ingenio valetudinem integrum, et si regere eandem aliquo modo licet, sed in conservanda eius parte divinae voluntati ac consilio libenter obtemperamus. Vtinam, Nobilissime Fademrechti, ex eorum numero esses parentum, qui filios, nostrae commissos fidei, cum gaudio fructuque repetunt, merito in aliquam laetitiae veniremus partem, Tibique ex animo gratularemur. Ast inqua iam Tua pariter et nostra conditio, quando Tu filium, eundemque unicum et carissimum, nos disciplinae nostrae aetumnum, ad virtutis et sapientiae laudem egregie enitem, lugemus. Non sine tristi recordatione cogitare possum de precibus honestissimis, quibus ante menses septem nostrae curae filium commendares, atque identidem humannissima literarum compellatione meam operam, fidem et erudiendi dexteritatem ipsi velles conciliatam. Satisfecit uterque Tuis, ut spero, votis, quando laboravimus enixe, ne aut ipse in eo ornando iuvandoque remissus, nec filius ulla in parte languidus, vacuus, aut otiosus inveniatur. Nemo non admirabatur egregias naturae dotes et singularem ingenii aciem, ad quam si alia doctrinae subsidia adiungere potuisset, is sine dubio evasisset, quem patria extitum iudicabat. Nec minus uti ingenio florentissimus, ita sanctissimus proposito, cautus adversus illecebras lascivientis Iuventae, ac nulla contaminatus labe et virtio vixit. Quo in officio eum non metus, sed amor continuuit virtutis, et, quam prudenti parentis institutione domi effet educatus, patefaciebat. Vnde turpe sibi ducebatur esse, nisi illum vivendi ordinem alibi quoque servaret constanter, et laudabili agendiratione paterna laudis viam ingrederebatur. Hi solentes elegantisimi fructus disciplinae domesticae, quibus alioqui destituuntur parentes, qui depravato morum exemplo iuventuti nocent, aut indulgenti-

gentiores nimis in educanda ea sunt aut plane remissi.
Stetit hoc olim Graecorum pariter virtus ac Romanorum
gloria certissimo munimento institutae feliciter iuuentutis
& rectis vitae exemplis ubique confirmatae. Non ali-
ter civis noster vivam laudis imaginem quotidie in anti-
quo Teutonicorum equitum castro, Mariaeburgi, ubi na-
scendi primordia cepit, est intuitus, & instrumenta do-
ctrinae liberalis haesit. Est Mariaeburgum non sterilis
ingeniorum mater, & admirabili divinoque plane bene-
ficio ei datum, ut quamplurimos non vulgaris ingenii iu-
venes ad nos mittat accuratioribus scientiarum praesidiis
corroborandos. Qua in parte gloriae cum maioribus potest contendere
civitatibus, ubi literarum honor fere oblitteratur, & eruditus orna-
menta iuxta & praemia periclitari quodammodo videntur. Quare ne-
modubitat, quin flovere semper optimis ingenis & abundare queat, quo-
rum opera patriae res & aliorum, ubi necesse est, locorum fortuna susti-
neatur. Quas industriae partes ut sibi aliquando depositant, & dignita-
tem patriae literarumque decus augeant omnes, qui iam hic studiorum
causa versantur, ex animo precor. Hos inter sibi aequales Beatus con-
cessit nemini, pietate in Deum, obsequio, industria & inexhausta prope-
modum discendi aviditate. Quos nobilissimos animi impetus cum re-
tardare nihil posset, retinuit vis morbi, quae omnia elusit remedia, & mor-
tis celeritas laudis retardavit cursum. Haec laborandi meta, ad quam
peruenit noster, quo fortunatior, hoc minus ei invideri debet, formidolosus
temporis calamitatibus erepto. Quippe desiderio ipsius consultum vo-
luit Deus, & in aeternam beatorum societatem, quam unice, spretis mor-
talium rebus, optabat, evocavit. Hoc evidentissimo cum voluntate di-
vina consensu emigravit e vita, coniunctusque cum Deo coelestis gaudii
sutura recreatur. Quae felicissima filii conditio aliquam penes Te, No-
bilissime Vir, consolandi doloris habebit facultatem, neque magis dolebis
illam familiae amplissimae cladem, quam de Triumpho filii ex mundi
miseriis nunc acto, pie gatidebis. Nec minus religione animi, qua Deo
vivis, prudentia & consilio anteferes lugendi modum, quem alioqui diu-
turnitas temporis sensim mitigare solet. Est Deus, qui Tuam fulciet
fortunam & reprimendi luctus afferet medelam. Quem quoque Tui
causa imploro, ut amplissimae familiae pariter ac Tuis in Patriam me-
ritis faveat in posterum, superataque hac clade aequabiliori fortunae cur-
su Vos uti sinat. Dab. Thorunii. ipsis Kalendis Septembribus, cl. cc.XII.

• os(O) •

3937